

兩一十天氣上騰地氣下降十一元甲子八二
 三鍊半天氣上騰地氣下降十一元甲子八二
 閉塞而成冬五地元甲子二十二鍊大雪鷄鳥不
 鳴十元甲子四一鍊虎始交五元甲子七鍊荔挺
 出一地元甲子一鍊

祭法

神仙文曰功成先天而後泉洞四分之三一
 分點天照一分點地照一分點人照餘一分
 小四分之三一一分告謝天地泉洞所授神仙
 靈跡鑄金為函刻
 帝紀投之餘一分可餌使神氣沖靜延齡也

神仙鍊丹點鑄三元寶照法

元陽子五假論

夫修身養命學道求仙志人若修行未有功
 行但存一念必以成就功行未滿但住浮世
 或有邪魔魍魎百魅鬼怪精靈見入於假盡
 乃奔走不敢奔來作其患難但依吾祝呪禁
 香齋戒靜心默念每假祝呪各持四十九日
 但有灾厄險難臨身速於默念一遍以手捉
 一物而投避或作游神或分形化體隱入木
 大之內鑽潛身入金中解假水中下存溺其
 有灾厄臨險當時投避除以是天機只合口
 口相傳余恐在世志學之人必有悟忘遂乃
 錄寫傳留於世勿以泄漏傳簿器之輩敢道
 之徒遇人不得隱匿先又殃及九祖不擇人
 傳毀漏天機沉埋九族永為下鬼不能受生

金假第一

西方庚辛白虎之神九曜之尊太白守位紫
 微靈星惟命之主體髓堅牢七鬼莫離三呼
 即至七召歸體刀劍分身接骨續筋後以化
 體除其苦厄聽吾祝呪應命而行呪曰
 西方庚辛太微玄真內應六腑化為肺神見

於無上遊於丹田固護我命用之神仙急急
 如律令勒

其祝呪庚辛日百時焚香起念不得開口
 以舌柱上嚙想念之可以持四十九日如
 有灾厄不以時日行住坐默想念一遍以
 手執刀任乃分身並無赤血雖有白膏而
 出凝結不流過後却返自然接續歸還

木假第二

東方青龍屬於甲乙應春之令歲星之兵能
 生其氣芳藥光榮內應肝神丞相之位吾若
 有難三呼即現分化身形遠遊諸處要歸本
 位見物而至呪曰
 東方甲乙青龍之室金木相形返為骨肉真
 氣鎮定莫離左右分身隱匿思之返至急急
 如律令

其祝呪取庚辛日卯時焚香默念不令人
 聞思之為上可持四十九日如有灾厄不
 以時候晨速以默念不俱行住坐卧默念
 一遍逢木將身隱於其中自免灾禍分身
 而去却要歸時思於舊木便還歸去返至

本處

水假第三

此方士於亥子之位玄武為君能生萬潤光澤榮溢內應於腎列女之容性命根宗血為水澆變鍊精氣本屬是陽陰中有火濟於浮世吾若有災三呼應現七召隨身入水不溺土木扶持危危各居三彭自伏入於九域呪曰

星辰之真玄武隨身勾陳左助青龍輔弼白虎扶持騰蛇跨下隨吾軀形思之還返急急如律令勅

其祝呪取庚辛日子時焚香起念不得開口只以默念一遍可持四十九日如有灾厄不以行住坐卧默念一遍將身入水免其灾厄不以多少日數水下安居却要返歸想於腎氣自以出水免其灾厄

火假第四

南方朱雀位屬丙丁榮感感曜火神炎威燒除三彭六神永護冤鬼澄淨六根堅牢內屬心主吾若有難三呼即至不離左右丙丁是

火土癸是殺吾入於假冤神不朽我身是水火命是土土水相刑火不侵體呪曰
南方丙丁赤龍俱停陰神避位陽官不迎思之返至用之日成急急如律令勅

其祝呪取庚辛日子時焚香起念不令人聞思之為上可持四十九日如有灾厄不拘時辰速入靜室中安卧默念祝呪一遍手握竹木而卧百魅千妖悉皆而走便以閉息絕氣假作身死家人不曉將謂殮身任將停於沒以衣蓋覆分化游神任令葬其神冤鬼神主默然而全不動搖其體隨焰而返歸焱雖盛不能燒之火消烟冷竟之無蹤

土假第五

中央戊己萬神之位三魂養土土能生物物化變氣三魂隨形七鬼逐體吾全身命念土之修養土能生物化變形四象歸土得土而生三呼即至七召歸軀除其灾厄聽吾祝呪隨形化體呪曰
中央戊己內藏元氣黃色立堅運之可理丹

陽莫辭朱陰共養生我得達四肢黃益勿令大起急急如律令勅

其祝呪取庚辛日子時焚香起念不得人聞可持四十九日如有灾厄不拘時辰行住坐卧只用默念一遍可以捉一物隱地入牆人可不見其所捉物代為形影起而

去免避輪迴換過難了却返歸還
右五假篇是神仙隱世之法留傳於世不可泄漏秘密之真修如有後學志士默念修養堅心持念無令觸犯今聞其法終不成審而持念念不得亂世天機長白山真人元陽子隱身法傳與有道心人依此行用無不驗矣

元陽子五假論

土